



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-011-102/01.
Sarajevo, 26.marta 2001.

Z A P I S N I K

sa 5. sjednice Predstavničkog doma Parlamentarne skupštine Bosne i Hercegovine,
održane 26. marta 2001. godine

Peta sjednica Predstavničkog doma počela je s radom u 11,20 sati. Prisustvovalo je 36 poslanika. Odsustvo su opravdali poslanici Mirko Banjac i Ivo Lozančić. Poslanci Hrvatske demokratske zajednice Mirko Baković, Miro Grabovac – Titan, Mariofil Ljubić i Zdenko Vukić nisu prisustvovali sjednici, shodno dopisu HDZ-a kojim obavještavaju Predstavnički dom o daljnjem odsustvovanju ove stranke iz zakonodavne i izvršne vlasti.

Sjednici doma prisustvovali su članovi Vijeća ministara, predstavnici OHR-a, OSCE-a, Evropske unije, Promatračke misije u BiH, predstavnici ambasada SAD, Velike Britanije i Švedske.

Prije prelaska na raspravu o prijedlogu dnevnog reda predsjedavajući Doma dr Sead Avdić predložio je da Dom, kao prethodno pitanje, izvrši verifikaciju poslaničkog mandata novim poslanicima. Tim povodom upoznao je Dom da je od predsjedavajućeg Privremene izborne komisije, ambasadora Roberta Berija, dobio obavještenje da je prihvatio ostavke gospode Zlatka Lagumdžije i Muharema Imamovića na poslaničke dužnosti, te da je PIK, na osnovu Pravila i propisa, utvrdila da su sljedeći kvalifikovani kandidati na listi Socijal-demokratske partije za Predstavnički dom gospoda Boro Bjelobrk i Jozo Križanović.

Također je predsjedavajući informisao Dom da je od predsjedavajućeg Privremene izborne komisije obaviješten da je Odlukom Visokog predstavnika g.Ivo Andrić – Lužanski smijenjen sa dužnosti poslanika u Predstavničkom domu, te da je PIK utvrdila da je sljedeći kvalifikovani kandidat na listi Hrvatske demokratske zajednice za Predstavničkog dom gospodin Marko Amidžić. U vezi s ovom odlukom PIK-a predsjedavajući Avdić je podsjetio poslanike i na pismo koje je glavni sekretar Hrvatske demokratske zajednice uputio Privremenoj izbornoj komisiji i Ambasadoru Robertu Beriju, a koje su poslanici dobili na klupe. Rekao je, pored ostalog, da je bio dužan da poslanike upozna sa spomenutim pismom, ali da ono ne obavezuje Predstavnički dom. “Mi prihvatamo odluke Visokog predstavnika kao legitimne i utemeljene u Dejtonskom sporazumu, odlukama Odbora Vijeća za implementaciju mira u Bosni i Hercegovini, deklaracijama Bonske i Madridske konferencije i dr., i u tom kontekstu reakcija HDZ-a je bespredmetna”, rekao je predsjedavajući Avdić i poželio dobrodošlicu novim poslanicima u Predstavnički dom, te ih pozvao da daju svečanu izjavu.

Svečanu izjavu pred Domom dali su novi poslanici Boro Bjelobrk, Jozo Križanović i Marko Amidžić.

Također su pred Domom svečanu izjavu dali i gospođa Gordana Ković, zamjenik ministra za trezor institucija BiH i gospodin Jadranko Prlić, zamjenik ministra za vanjsku trgovinu i ekonomske odnose.

Poslije davanja svečane izjave predsjedavajući je obavijestio poslanike da je delegacija Predstavničkog doma u sastavu: dr Željko Mirjanić, prvi zamjenik predsjedavajućeg Doma, dr Mediha Filipović, poslanik u Predstavničkom domu i g. Vedran Hadžović, sekretar Zajedničke službe Parlamentarne skupštine BiH, bila na susretu predsjednika parala-menata država Jugoistočne Evrope. Jedan član delegacije, g. Ivo Lozančić, nije prisustvovao ovom skupu zbog spriječenosti.

Prvi zamjenik predsjedavajućeg, g.Željko Mirjanić, u svojstvu šefa delegacije, ukratko je informisao Dom o spomenutom susretu. Pored ostalog, rekao je da je to bila Konferencija predsjednika parlamenata zemalja Jugoistočne Evrope i da je on, kao zamjenik predsjedavajućeg, na konferenciji iznio stav Parlamenta, odnosno Bosne i Hercegovine. Rekao je da će poslanici u toku sjednice dobiti njegov govor, kao i deklaraciju koja je na Konferenciji usvojena od svih učesnika. Naglasio je da Deklaracija potpuno odgovara spoljnoj politici Bosne i Hercegovine. Gospodin Mirjanić je napomenuo da je delegacija Predstavničkog doma imala sastanke sa svim drugim delegacijama na Konferenciji i da su dogovorili konkretnu saradnju, shodno dogovoru na Kolegiju Predstavničkog doma, o čemu će poslanici također biti obaviješteni.

U nastavku sjednice predsjedavajući Avdić je upoznao poslanike da je u pripremi 5. sjednice održana sjednica Kolegija u proširenom sastavu, na kojoj je usaglašen termin održavanja 5, kao i 6. sjednice Doma, kao i prijedlozi dnevnog reda. Također je upoznao poslanike da ni na ovoj sjednici nije prisustvovao član Kolegija g. Mariofil Ljubić, kao ni predstavnik Kluba poslanika HDZ-a. Predsjedavajući Avdić je informisao poslanike da je neposredno pred početak sjednice Doma održana zajednička sjednica koleija' oba doma Parlamentarne skupštine u vezi sa 16. tačkom dnevnog reda – Izbor parlamentarnih delegacija, kako bi za ovu sjednicu pripremili prijedlog sastava parlamentarnih delegacija te da taj posao nije završen. Zato je Kolegij predložio da se ova tačka odloži za 6. sjednicu. Kolegij je, također, predložio da se za 6. sjednicu odloži razmatranje Izvještaja o realizaciji Aneksa VII Opšteg okvirnog sporazuma za mir u BiH, zbog potrebe da novo Vijeće ministara pripremi dodatnu informaciju, s obzirom da je Izvještaj podnesen od starog Vijeća ministara i s obzirom na vrijeme kad je podnesen.

Predsjedavajući je skrenuo pažnju poslanicima da je Vijeće ministara podnijelo zahtjev Domu da na 6. sjednicu uvrsti Prijedlog budžeta institucija BiH i međunarodnih obaveza BiH za 2001. godinu i Prijedlog zakona o izvršenju Budžeta, čije je usvajanje prioritarno s obzirom da krajem mjeseca marta ističe rok primjene Odluke o privremenom finansiranju. Podsjetio je poslanike na mogućnost podnošenja amandmana i pozvao nadležne komisije da zauzmu svoje stavove.

U okviru rasprave o prijedlogu dnevnog reda diskutovali su poslanici Zoran Spasojević, Miloš Jovanović, Beriz Belkić i Adem Borić, kao i zamjenik ministra za trezor institucija BiH Muharem Imamović.

Poslije diskusije usvojen je sljedeći

D N E V N I R E D:

1. Usvajanje Zapisnika sa 3. i Zapisnika sa 4. sjednice Predstavničkog doma,
2. Sporazum o razvojnom kreditu (Projekat vodosnabdijevanja i kanalizacije za Mostar) između Bosne i Hercegovine i Međunarodne asocijacije za razvoj;

3. Ugovor o finansiranju između Bosne i Hercegovine i Evropske investicione banke broj: 20.515-Projekat za puteve BiH;
4. Okvirni sporazum o zajmu između Banke za razvoj Vijeća Evrope i Bosne i Hercegovine, za projekat vodosnabdijevanja Tuzle;
5. Sporazum između Vlade Kraljevine Belgije i Vijeća ministara Bosne i Hercegovine o davanju finansijske pomoći Vlade Kraljevine Belgije Vijeću ministara;
8. Građansko-pravna konvencija protiv korupcije;
7. Krivično-pravna konvencija protiv korupcije;
8. Dopunski protokol uz konvenciju o zabrani ili ograničavanju upotrebe određenih vrsta klasičnog oružja koja se mogu smatrati uzročnicima prekomjernih traumatskih efekata ili imaju neselektivno djelovanje;
9. Konvencija međunarodne organizacije rada broj 182. o najgorim oblicima iskorišćavanja dječijeg rada;
10. Sporazum o unapređenju i zaštiti investicija između Bosne i Hercegovine i Vlade Republike Finske;
11. Sporazum o unapređenju i zaštiti investicija između Bosne i Hercegovine i Švedske;
12. Sporazum između Vijeća ministara BiH i Saveznog vijeća Švajcarske o ponovnom prihvatu državljana BiH i državljana Švajcarske;
13. Sporazum između Vijeća ministara BiH i Vlade Republike Makedonije o međunarodnom drumskom prevozu putnika i robe;
14. Informacija o pitanjima vezanim za "balkanski sindrom",
15. Odgovori na poslanička pitanja i pitanja poslanika.

Ad – 1: Usvajanje Zapisnika sa 3. i Zapisnika sa 4. sjednice Predstavničkog doma

Povodom zapisnika' diskutovali su: Željko Bilbija, Abdurahman Malkić, Tihomir Gligorić, Miloš Jovanović i Ibrahim Đedović.

Željko Bilbija, u ime Kluba poslanika PDP-SNS-SNSD/DSP-SPRS, zatražio je da im se u pisanoj formi dostavi izlaganje predsjedavajućeg Vijeća ministara Božidara Matića koje je podnio na 4. sjednici Dom.

Abdurahman Malkić je također zatražio izlaganje predsjedavajućeg Vijeća ministara. Prigovorio je što u Zapisniku sa 3. sjednice, u dijelu gdje je rečeno da je diskusija Branislava Lolića izazvala više replika, nije navedeno u kojem smislu su bile replike, da li je to bilo afirmativno ili je bilo loše po ostale poslanike. Iznio je svoje mišljenje da je Lolić iznio dvije konstatacije koje ne idu u prilog ovom domu.

Tihomir Gligorić je, govoreći o Zapisniku sa 4. sjednice, rekao da su veoma korektno unesene primjedbe i sugestije koje su dali poslanici na program predsjedavajućeg Vijeća ministara g. Božidara Matića, kao i pitanja koja su mu postavili, ali da uopšte nije rečeno šta je g. Matić odgovori. Rekao je da bi bilo korektno da se u tehničkom i u suštinskom smislu to naglasi u Zapisniku.

Ibrahim Đedović je zatražio da se u zapisnike, po imenu i prezimenu, tačno navodi ko je bio prisutan sjednicama Doma.

Poslije diskusije o zapisnicima predsjedavajući je konstatovao da se sve iznesene primjedbe mogu usvojiti i u ime Kolegija i Sekretarijate rekao da će se u cjelosti poštovati procedura vođenja sjednice i prisustvo poslanika i gostiju. Također je konstatovao da se

privhata obaveza predsjedavajućeg Vijeća ministara da autorizuje svoje izlaganje na 4. sjednici i da se hitno dostavi poslanicima.

Zamjenik ministra za trezor institucija BiH, Muharem Imamović, obavijestio je Dom da je ekspozice predsjedavajućeg Matića bio gotov prije 20 dana, da je predviđena zajednička sjednica Kolegija Doma i Vijeća ministara koja još nije održana, te da je to razlog zašto poslanici nisu dobili ekspozice. Predložio je da se zaduži Služba da se ekspozice danas poslanicima dostavi.

Predsjedavajući Avdić je, povodom diskusije g. Imamovića, naglasiso da nije bila nužna nikakva saglasnost Kolegija da bi poslanici dobili izlaganje predsjedavajućeg Vijeća ministara. Zatim je g. Avdić dao na glasanje zapisnike sa 3. i 4. sjednice Doma, uz konstataciju da su prihvaćene sugestije i primjedbe iznesene u diskusiji.

Dom je jednoglasno usvojio Zapisnik sa 3. i Zapisnik sa 4. sjednice Predstavničkog doma.

Ad 2 – 13:

Predsjednik Komisije za finansije i budžet, gospodin Beriz Belkić podnio je jedinstven izvještaj te komisije o razmatranju sporazuma za koje je ova komisija nadležna. To su tačke 2, 3, 4, 5, 10. i 11. dnevnog reda. Izrazio je nezadovoljstvo zbog neprisustva predlagača određenih materijala, ni iz Predsjedništva BiH niti iz resornih ministarstava.

Obavljena je pojedinačna rasprava o svim ovim tačkama.

U diskusiji su učestvovali poslanici: Tihomir Gligorić, Ljubomir Kovačević, Senad Šarganović, Zoran Spasojević, Mirza Kušljagić, Sead Avdić, Beriz Belkić, Ibrahim Dedović, Mediha Filipović i Sead Buturović.

Gospodin Osman Brka podnio je izvještaje Ustavno-pravne komisije o razmatranju Građansko-pravne konvencije protiv korupcije (tačka 6.) i Krivično-pravne konvencije protiv korupcije (tačka 7), kao i izvještaj Komisije za ljudska prava, imigraciju, izbjeglice i azil o razmatranju Konvencije o međunarodnoj organizaciji rada broj 182. o najgorim oblicima iskorišćavanja dječijeg rada (tačka 9).

Gospođa Mediha Filipović podnijela je izvještaj Komisije za vanjske poslove o razmatranju tačke 8. – Dopunski protokol uz Konvenciju o zabrani ili ograničavanju upotrebe određenih vrsta klasičnog oružja koja se mogu smatrati uzročnicima prekomjernih traumatskih efekata ili imaju neselektivno djelovanje, i tačke 8. – Sporazum između Vijeća ministara BiH i Vlade Republike Makedonije o međunarodnom drskom prevozu putnika i robe.

Poslije diskusije Predstavnički dom je, glasajući ponaosob o svakom posebno, dao saglasnost za ratifikaciju:

- Sporazuma o razvojnem kreditu (Projekat vodosnabdijevanja i kanalizacije za Mostar) između Bosne i Hercegovine i Međunarodne asocijacije za razvoj (jednoglasno);
- Ugovora o finansiranju između Bosne i Hercegovine i Evropske investicione banke broj: 20.515-Projekat za puteve BiH (jednoglasno);
- Okvirniog sporazum o zajmu između Banke za razvoj Vijeća Evrope i Bosne i Hercegovine, za projekat vodosnabdijevanja Tuzle (jednoglasno);
- Sporazuma između Vlade Kraljevine Belgije i Vijeća ministara Bosne i Hercegovine o davanju finansijske pomoći Vlade Kraljevine Belgije Vijeću ministara (34 ZA, jedan suzdržan);
- Građansko-pravne konvencije protiv korupcije (jednoglasno);
- Krivično-pravne konvencije protiv korupcije (jednoglasno);

- Dopunskog protokola uz konvenciju o zabrani ili ograničavanju upotrebe određenih vrsta klasičnog oružja koja se mogu smatrati uzročnicima prekomjernih traumatskih efekata ili imaju neselektivno djelovanje (jednoglasno);
- Konvencije međunarodne organizacije rada broj 182. o najgorim oblicima iskorišćavanja dječijeg rada (jednoglasno);
- Sporazuma o unapređenju i zaštiti investicija između Bosne i Hercegovine i Vlade Republike Finske (jednoglasno);
- Sporazuma o unapređenju i zaštiti investicija između Bosne i Hercegovine i Švedske (jednoglasno);
- Sporazuma između Vijeća ministara BiH i Saveznog vijeća Švajcarske o ponovnom prihvatu državljana BiH i državljana Švajcarske (jednoglasno);
- Sporazuma između Vijeća ministara BiH i Vlade Republike Makedonije o međunarodnom drumskom prevozu putnika i robe (jednoglasno).

U vezi s tačkom 4. – Okvirni sporazum o zajmu između Banke za razvoj Vijeća Evrope i Bosne i Hercegovine, za projekat vodosnabdijevanja Tuzle, predsjedavajući g. Avdić je, povodom zahtjeva iz diskusije, predložio da se Domu dostavi informacija o stanju vodosnabdijevanja u Bosni i Hercegovinu, o uloznim sredstvima u postdejtonskoj BiH i o projektima koji su u fazi realizacije, kako bi se na bazi relevantnih informacija moglo razmišljati o drugim interventnim projektima sa aspekta vodosnabdijevanja cijele Bosne i Hercegovine.

Također je predsjedavajući Avdić uputio sugestiju realizatoru projekta za Tuzlu da pokuša odvojiti dio sredstava ili bar da sačini studiju izvodljivosti vodosnabdijevanja regije Istične Bosne, sa Zvornikom, Tuzlom i ostalim mjestima, sa rijeke Drine.

Sugerisano je, također, da se aktuelizira, odnosno inovira i ažurira Informacija o zaduženosti Bosne i Hercegovine i o spoljnom dugu, da se zna ko je krajnji otplatilac duga – da li je to BiH, Federacija BiH ili Republik Srpska.

Ad – 14: Informacija o pitanjima vezanim za balkanski sindrom

U diskusiji povodom ove tačke dnevnog reda učestvovali su poslanici: Mirko Mijatović, Senad Šarganić, Boro Bjelobrk, Beriz Belkić, Sead Buturović, Dušan Stokić, Branislav Lolić, Tihomir Gligorić i Momir Tošić, te ministar vanjskih poslova Zlatko Lagumdžija i zamjenik ministra za vanjske poslove Ivica Mišić.

Poslije diskusije Predstavnički dom je usvojio sljedeće:

Z A K L J U Č K E

1. Prihvata se Informacija Vijeća ministara Bosne i Hercegovine o pitanjima vezanim za “balkanski sindrom”, kao i aktivnosti i mjere koje je preduzelo Vijeće ministara.

2. Sugerise se Vijeću ministara Bosne i Hercegovine da preispita mogućnost definisanja prijedloga prema Ujedinjenim nacijama o mogućoj zabrani upotrrebe municije sa osiromašenim uranijumom.

3. Traži se od Vijeća ministara da Predstavnički dom informiše o saradnji Bosne i Hercegovine sa Međunarodnom agencijom za atomsku energiju i o problemima koji se u toj oblasti javljaju.

4. Neophodno je uspostaviti kontinuitet u mjerenju radio-aktivnog zračenja na prostoru Bosne i Hercegovine, uz izradu primjerenih karata i svega ostalog što prati cjelokupan ovaj proces.

5. Sugeriraju se nadležnim institucijama da uspostave jedinstven registar oboljenja od karcinoma na nivou Bosne i Hercegovine, povezujući entitete i u tom kontekstu da sačine jedinstven registar i statističku obradu, kako bi se stvorila slika o mogućim uzrocima koji dovode do oboljenja od karcinoma.

6. Parlamentarna skupština Bosne i Hercegovine treba da bude u cjelosti i u kontinuitetu informisana o svim događajima vezanim za tzv. balkanski sindrom

7. Vijeće ministara treba hitno, na osnovu saznanja entitetskih komisija koje su formirane pri zavodima za javno zdravstvo, Interesorskog ministarskog vijeća i Vijeća ministara, izaći pred javnost sa oficijelnom i utemeljenom informacijom sa aspekta mogućih posljedica koje su mogla proizvesti dejstva NATO-pakta primjenom municije sa osiromašenim uranijumom u smislu ugroženosti bosanskohercegovačkog tla, vode i vazduha, kao i stanja zdravlja građana Bosne i Hercegovine.

Informacija i zaključci usvojeni su s 36 glasova ZA i dva suzdržana.

Ad – 15: Odgovori na poslanička pitanja i pitanja poslanika

MEDIHA FILIPOVIĆ:

Predložila da se na dnevni red Doma stavi pitanje ispunjavanja uslova za prijem BiH u Vijeće Evrope. Takođe je predložila da se g. Laslo Šurjan, koji je izvještač ispred Komiteta za politička pitanja Vijeća Evrope, kao i gospođa Jattenmaki, izvještač Komiteta za poštovanje ljudskih prava, pismeno obavijeste da su formirane zajedničke službe državnih institucija BiH, jer je to bio preduslov za nastavak razgovora sa Parlamentom BiH o prijemu BiH u Vijeće Evrope, te ih pozvati da posjete Bosnu i Hercegovinu i nastave proce prijema BiH u Vijeće Evrope.

IBRAHIM ĐEDOVIĆ:

1. Da li postoje objedinjeni podaci o ilegalnoj migraciji kroz Bosnu i Hercegovinu, da li postoje podaci o ljudima koji su vraćeni iz drugih država po tom osnovu i da li se neki tim na nivou države ozbiljnije bavi ovim pitanjem, te šta bi ovaj dom trebao učiniti u tom pravcu da se ovaj problem svede na što je moguće manju mjeru?

2. Da li u Minsitarstvu vanjskih poslova postoji prijedlog mjera ili bar nagovještaja da se izmjenom vlasti u BiH vizni režim za građane BiH učini lakšim, prvenstveno sa zemljama Evropske unije? Šta poslanici trebaju učiniti da bi se vizni režim olakšao? (Posebno je istakao problem naših građana koji imaju privremene dozvole u Njemačkoj i Švajcarskoj).

ABDURAHMAN MALKIĆ:

Na koji način Vijeće ministara i Parlament misle zaštititi BiH kao jedinstveno ekonomsko, privredno i tržišno područje? (spomenuo različite cijene nafte i pitanje ubiranja carine vezano za najnovija dešavanja oko HDZ-a).

ZORAN SPASOJEVIĆ:

Na sjednici postavio pitanje: Zašto je iz procedure povučen prijedlog zakona o dopuni Zakona o carinskoj tarifi i kada će doći novi prijedlog?

Pored ovog pitanja, u pisanoj formi g. Spasojević je dostavio tri pitanja:

1) Koliko Bosna i Hercegovina ima ambasada u svijetu (u kojim državama): a) koliko ima zaposlenih u ambasadama; b) koliko ima zaposlenim Bošnjaka, Srba i Hrvata – pojedinačno za svaku ambasadu;

2) Kada će Klub poslanika Srpske demokratske stranke dobiti prostorije da bi mogao valjano obavljati svoje poslove i zadatke predviđene Poslovníkom Doma?

3) Kada će se gospođa Smilja Šarčević moći vratiti u svoj stan na opštini Ilidža koji je njeno vlašništvo 1/1.

BRANISLAV LOLIĆ:

Podržao je pitanje g. Đedovića vezano za olakšavanje viznog režima sa zemljama Evropske unije i predložio da se nosiocima diplomatskih i službenih pasoša uvede bezvizni režim.

Zatražio je da se za narednu sjednicu pripremi obavještenje ko sve može imati službeni pasoš.

OMER FILIPOVIĆ:

Da li će Vijeće ministara aktuelizirati materijale koje su poslanici već dobili i pripremiti svoje komentare i dopune (misli na materijale Vijeća ministara i poslanika ranijeg saziva)?

MUHAMED BEGOVIĆ:

Po kojem je pravnom osnovu IMC - Nezavisna komisija za medije mogla donijeti 5. februara 2001. godine odluku kojom odbija davanje saglasnosti odnosno dugoročnu dozvolu Bošnjačkoj radio-stanici “Yeni Hayat” za emitovanje u regiji Tuzla?

TIHOMIR GLIGORIĆ:

Založio se da svi poslanici dobiju diplomatske pasoše. Predložio da se i službenim pasošima daju vize na šest mjeseci, kao što je i u diplomatskim, iz razloga što službene pasoše koriste, prije svega, direktori iz privrede, čime bi im se olakšao rad.

Ministar vanjskih poslova, g. Zlatko Lagumdžija, usmeno je na sjednici odgovorio na dio pitanja koja su se odnosila na MIP. Rekao je da će poslanici odgovore dobiti i u pisanoj formi.

Poslije izlaganja ministra Lagumdžije predsjedavajući Avdić je upoznao Dom da su predstavnici Komiteta ministara Vijeća Evrope nedavno posjetili BiH, da su razgovarali sa Vijećem ministara, sa predstavnicima oba doma Parlamentarne skupštine i komisijama. Naglasio je da ima osnova da su poslali pozitivan izvještaj Vijeću Evrope i da su se u tom kontekstu stekle pretpostavke za reaktiviranje zahtjeva za prijem Bosne i Hercegovine u Vijeće Evrope.

Predsjedavajući Avdić je naglasio da će Parlamentarna skupština u pisanoj formi obavijestiti Vijeće Evrope da su formirane sve centralne institucije u BiH i time implementirani rezultati opštih izbora u novembru 2000. godine.

Ovim je predsjedavajući zaključio 5. sjednicu. Sjednica je s radom završila u 14,15 sati.

Sastavni dio ovog zapisnika je magnetogram 5. sjednice Predstavničkog doma.

**SEKRETAR
PREDSTAVNIČKOG DOMA
Branka Todorović**

**PREDSJEDAVAJUĆI
PREDSTAVNIČKOG DOMA
dr. Sead Avdić**